



En gol sú i porta la devënta a La Val sön le ciamp posoch a Vahrn. A confront le miú atach y la miú defenjiun tl rode C.

Na devēnta particulara chēra dl'ultim fin dl'edema sōn le cíamp a Vahrn. Por i ladins ne porta chēsc nia de bī recorc, ti ultims agn à La Val soghé plō gonot a Vahrn, cinamai dōes partides dezisives por le balz te secunda categoria. Mai ne à la squadra porté a ciasa na devēnta. Te na partida combatüda y asuiada cina le la fin i era indere chesc iad garatada.

La squadra de ciasa scomēncia dal mēteman cun n gran druch, le bel jüch bas y le bun control dl pal i purmat a sté alc y a mēt i ladins sot presciun. Ala chert'ora ti gareta respogn i ladins cun na ocasiun al jüch sterch avversar: sōn na crossada alta de Michi rōia le capitan Stefan a mez area y rebat la cogura de cé, püch dlungia le pé lunch de porta ia. Alex E. se fej püch do lerch y al limit dl'area fejel pié na trata sēcia, che ti fej le pulan ala stangia de porta. La presciun di ghesc ladins lascia tosc do y al é bel indo le Neustift che se presentēia dan porta cun val trata nia prigorosa. Ala mesora é La Val che à na gran fortüna sōn n önescmetri conzedü dal'arbiter a gauja de n fal defensif sōn l'atacant avversar. Le arbiter mostra atira al punt di önescmetri y i retlams di ladins ne vëgn nia ascutá. Le atacant Prosch se presentēia dan le verdaporta Sepl y vega la trata sēcia cuntra porta, chēsta rebat por fortüna tla stangia de porta. Te n mumënt de deblēza à La Val albü fortüna. Da alzé fora n'ocasiun dan la palsa, le pasaje filtrant de Alex E. fej rové Michi sù dan le portier, che desfantēia la trata tl'ultim.

**Les squadre va tla palsa sōn le resultat de 0 - 0**

Le ciamp posoch a Vahrn mèt ince in difficulté i sogadus da La Val, che stènta dassènn a rové al antizip y mëss insciö subì ripartènzes. La forza ladina é deperpo ti duei tl'aria, la cogura vëgn scialdi arlungiada de ce inant ai atacanc, che ti sciampa al mür defensif y rōia val iad a contlujiun, te chisc iadi al mancé la convinziun a segné. A deslié le grop é Alex E. al 54' menüt che pënna. Cun n bel palé alt vëgn chësc ultim sorví da Freddy che ti deura le trú por la porta. La trata basa sön le pé lunch de porta fej banduré la rēi y porta le vantaje a La Val. L'ultima mesora é le Neustift che à le sceter dl bel jüch tla man. Le ritm alt fej aretré i ladins a defënn y mëss fa val sacrificizé inplö. A La Val i costel indere la desgorta dal ciamp dl atacant Michi por dopla amoniziun a gauja dla pordüda de tēmp a jüch chit. Le mür defensif tēgn indere bot fina le sciür dla fin. Na devēnta dezisiva sön le ciamp "maledët" a Vahrn, La Val ne ti lascia insciö nia tra le flé al Gais y resta al secundo post de tlassifica a ma un en punt de destach.

**Neustift – La Val : 0 - 1**

**Formaziun La Val:** 1. Sepl Kantioler, 2. Elmar Valentin, 3. Egon Frenes, 4. Paolo Vallazza, 5. Marco Castlunger, 6. Freddy Sottara, 7. Michi Frenes, 8. Max Nagler, 9. Alexander Miribung (dal 75^ Felix Nagler), 10. Stefan Sottara - capitan, 11. Alex Elzenbaumer (dal 85^ Martin Ploner)

**Gol por La Val:** Alex Elzenbaumer (al 54^)

**Proscima partida:** en sabeda ai 04 de aurì dales 16:00 a te ciasa contra le Percha

Resultac dles atres partidas: [RESULTA](#) [Ó](#)

Insëra, mercuri ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.